

DISSERTATIO

MEDICA

DE

AFFECTIBUS SOPOROSIS,

QUAM, in Augustissimo Ludovico Medico Monspeliensi, Deo duce, & auspice Dei-parâ, tueri conabitur,

AUCTOR,

PAULUS - VICTOR DESEZE, Burdigalus, Artium Liberalium Magister, & jamdudum Medicinæ Alumnus, die mensis Aprilis anni 1774.

Pro Baccalaureatûs gradu consequendo.

Chronicis quidem morbis sui sunt quandoque paroxismit acutorum æmuli præcipue ubi jam fatum misero ægro imminet, & acutorum aliquando multi in chronicos desinunt.

Cheyne de insir. sanit. tuenda cap. 7.



MONSPELII,

Apud AUGUSTINUM-FRANCISCUM ROCHARD, Regis & Universitatis Medicinæ Typographum unicum.

M. DCC. LXXIV.

THE AMERICAN

NOTICE

OF THE

AMERICAN

NOTICE

OF THE

AMERICAN

NOTICE

OF THE

AMERICAN

NOTICE

OF THE

AMERICAN



DISSERTATIO MEDICA

DE

AFFECTIBUS SOPOROSIS.

SOMNUS morbosus extra naturæ fines protractus, solitoque profundior, plerumque febre, sensûs motûsque voluntarii abolitione aut saltem imminutione stipatus, soporosorum affectuum varios constituit gradus ex intensitate symptomatum à se invicem discrepantes. Horumce affectuum quatuor numerantur species, coma scilicet somnolentum & vigil, lethargus, carus & apoplexia. Facile Dignoscitur *coma somnolentum*, cum in eo ægri minimo stimulo excitati sentiant, imo etiam respondeant si alta voce compellentur, invitati tamen, quando non excitantur ad somnum obtemperent. Ab hoc non multum differt *coma vigil*, sub quo inexpugnabili dormiendi desiderio, frustraneo tamen, molestissimæque totius corporis inquiete torquentur, dum sensum motumque vigiles ægri servant. Febris, delirii, oblivionis, soporisque profundi concursus, ab aliis *veterni* speciebus *lethargi* ponit differentiam. *Carus* autem est affectio soporosa, *lethargo* & *comate* major, apoplexiæ tam finitima ut non raro in eam transeat, similia sed mitiora symptomata offerens. De singulis hisce morbis differere non sinunt huic opusculo præfixi limites, quapropter cum apoplexia sit inter eos ægritudo longe princeps & considerari possit tanquam ultima horumce affectuum linea, de hac præsertim agendum nobis incumbit.

II.

Tria sunt in insultu apoplectico potissimum spectanda quibus veluti caractere proprio morbus hicce signatur, cæteris exinde quibuscumque morbis facile dignoscendus. Talia sunt 1°. Affectûs vel potius insultûs repentina invasio, adeo ut tanquam numine invisibili percussî protinus veluti bos maectatus humi procumbant, juxta vim vocis, apoplectici qui paulo ante vegeti, quantum vis sani videbantur 2°. Sensûs & motûs voluntarii abolitio cum omnium artuum resolutione, pulsu sat integro & febris plerumque absentia. 3°. Respiratio plus minusve difficilis, licet interim magna, stertens, ita ut imaginem profundi per-

petuique somni referat hic morbus, unde *Archigenes* (1) ad narcotism illam intensissimam respiciens dixerit quod *mortui vivant* id est cum tota sensus privatione qui in hanc incidunt ægritudinem. Hæc omnia plus minusve intensa omnes in genere apoplexiæ gradus, verasque ac sufficientes hujusce definitiones absolvere videntur.

Porro nullus sane morbus tam dirus, nullus humano generi infensior apoplexiâ. Hæc nec sexui, nec ætati quidem parcat, vix unquam salutis spem relinquens, aut diuturnum nefandumque morbum afferens si non mortem. Hæc nonnullas regiones endemice infestans, aliquando visa est grassari epidemice (2). Passionum & curarum omni genarum quas capit humana mens constans pedissequâ, regales aulâs urbesque amplissimas obsidet; homines æmulationibus, cupiditatibus, aliisque vitæ civilis flagitiis accensos peculiariter incessura, exinde raro juniores, ætate vero provectiores, aut seniores ut plurimum adoriens, vix fortunatis agricolis nota.

III.

Sepositâ vulgari divisione apoplexiæ in sanguineam & serosam ut pote quæ minus accurata sit, medicumque in praxi frequentissime abludat, hic attendimus tantum ad causas hujusce morbi ex quarum sedula distinctione multo melior exurgit in idiopathicam & sympathicam divisio.

Veteres cadaverum sectionibus parum exercitati, aut hujus modi disquisitionibus, saltem quoad therapeyam apoplexiæ ad maximam partem passivis, immorari renuentes, in tanta morbi attoniti causarum segete vix quasdam adumbrare aliquid in eo divinum fingentes. Verum sub ingentibus curis & luxuriis crescente indies apoplecticorum familia, crescentibus itidem tum physicis tum anatomicis inventis, latior, (imo utinam utilior) de hocce morbo ætiologia apud neotericos emerfit quam attamen reducere juvat. 1°. Ad causas nativas, continentes, inhærescentes, proximas, internas, in ipsammet originem repetendas. 2°. Ad causas accedentes, procatharticas, remotas, externas, quarum aliæ cerebrum immediate vel directe, aliæ vero, varie torquendo viscera, eorum cruciamenta veluti quadam irradiatione juxta leges sympathiæ in æconomia animali præstabilitas ad usque encephalon demandant, aut illud alio quocumque modo afficere valent.

Rursus igitur ex causis nativis, inhærescentibus, &c. ab origine repetendis, aliæ sunt in tono, sensibilitate, vita (3), ut ita dicam ce-

(1) Aetius lib. 6 cap. 27 pag. 253, 254.

(2) Huxam de aëre & morbis epid. pag. 169. Morgagni epist. anat. pag. 18, 20. Lancisi de morbis subit. pag. 156.

(3) Talis erat intemperies cerebri apud veteres prædicata, quâ nascebantur poëtæ, melancholici &c.

rebri vel oblongatæ spinalisque medullæ, altis radicibus defixæ, ibique veluti seminia morbosa ad apoplexias dispositionem quandam præstabilitam ac pene indelebilem efformant; quæ dispositio plerumque serpit clanculum, exin citius ocysve causâ datâ licet minimâ insultum apoplecticum accersens. Aliæ quas materiales vel mechanicas haud perperam appellares, in cerebri recessibus degunt impactæ, vel in theca ipsamet cranii aut in viciniis, illinc cerebrum proxime lædentes; quas inter annumerandæ veniunt concretiones, ossificationes in variis encephali latebris, calvariæ totius vitiositas, præsertim depressio in nonnullis calvariæ locis ab imprudentia obstetricis, foraminum aut rimarum basis cranii angustia apud senes præcipue observata, collum breve, sex tantum vertebriis constans &c. quæ postremæ vix ad medicum pertinent.

Quoad vero causas remotas, externas &c. pene innumeras variis corporis partibus pertinentes, hæ pro maxima parte regioni epigastricæ veluti cuidam affectuum promptuario videntur assignari, unde ratio subjicitur cur ex abusu in plerisque rebus non naturalibus tot tantæque dentur apoplexiæ, vel saltem ad hosce affectus dispositiones. Id rite quidem conceperis si partium omnium in corpore viventi facultatem, sensibilitatem & ut ita dicam, *animalitatem* attenta mente perpendaris; ex physiologicis enim notum est 1°. Vitam in genere id est confluxum motuum, & sensuum omnium aut virium nervearum in animali, capitis, præcordiorum & epigastrii conatibus mutuis dirigi, his tanquam tripode inniti &c. 2°. In epigastrium velut communem in officinam confluere è cunctis corporis partibus maximam virium copiam, quod sedulo annotare expedit & exinde ad encephalon medullamque spinalem quatenus fontem nativum omniumque partium radices plerumque reduci. 3°. Summum esse præ cæteris epigastrii in quodcumque vitæ phænomenon influxum, ut nullus motus, nullus sensus dari queat in corpore, imo nec valeat caput ullam operationem moliri ut puta combinationem arduam, quin epigastrium vehementer commotum in actum coincidat.

Jam vero impromptu est varios stomachi affectus apud Helluones potatores, libidinosos, aulicos, litteratos &c. non posse quin ad encephalon, consensu exquisito caput inter & ventriculum stabilito, sint repercussi, commoveant illud, vasa exagitent, imo in certis cerebri punctis affectuum frequentiam sint veluti exculpti, unde vel dispositio præstabilita in cerebro declarabitur, augebitur, mox commoto capite, datisque forsan obstructionibus, varicibus, ædemate, aliisque affectibus cerebralibus in apoplexiam evanitura, vel in encephalo aliunde è nativis sano efformabitur dispositio quædam morbosa quam *accidentalem* recte vocares, quæque sub causis repetitis in dies aucta, tandem apoplexiam accerset.

Ast rursus attendamus ad illam peculiarem regionis epigastricæ ; ventriculi præsertim , sensibilitatem , quatenus sub minimis circumstantiis minimo stimulo convelluntur hæc viscera , eriguntur , quandoque in diaphragma & pectus irruentia , hinc vasis epigastricis spasmus tentatis (1) , sanguis cæterique humores raptu quodam ad caput deferuntur , eorum per truncos venosos pectoris ad superiora refluxus adaugetur adjuvantibus diaphragmatis commotione , nec-non pulmonibus & corde in angustis ; sic ex risu , tussi , gaudio , pavore &c. immodicis quæ totidem convulsiones epigastrii vel præcordiorum haberi queunt , nonnullæ sobolescunt apoplexiæ quandoque subito lethales.

Haud absimili ratione febres quædam *epigastricæ* viscera illius regionis certis temporibus commovere valent , ita ut fiat motus febrilis & humorum conversio ad caput , unde apoplexia febrilis , periodica intermittens ; quid plura ? focus febrilis vel irritatio quædam longe in alias partes diffusa prædictâ motuum conversione ad encephalon deportatur quò vel apoplexias pariat , vel earum causas excitet. Dantur ideo apoplexiæ à suppressione hemorrhoidum , catameniorum , lochiorum & lactis in puerperiis &c. à graviditate , hysteria &c. , à materia variolarum , arthritidis , retro pulsa , aut spasmo pustularum suppurationem molienti , arthritidem fovente , ad cerebrum retrocesso &c. Sic etiam dolores ob calculos in cistide fellea , spasmi dolorifici retrocessu apoplexias non semel ciere visi sunt.

Verum quandoque pulmones sibi focum febrilem seu irritationis sedem arrogare , data certa quadam constitutione aëris , aut aliunde inquinato aëre , omnibus inconfesso est ; unde sanguinis congestiones , pulmonum infarctus , stases in capite , motuum nerveorum à cerebro ad pectus reciprocatio difficilis , abolita aut sicut aiebant *veteres spirituum interceptio* ; unde apoplexia à syncope *Hippocratis*. Idem præstare valent polypi in vasis cordis , compressio vasorum colli à paradiigmatibus , glandulis maxillaribus tumefactis , ab aneurismate (2) malus decubitus , & quæcumque sanguinem in cerebro sistere , illabentem ex eo retropellere , aut pulmonis ac cordis actionem verbò omnium motuum & humorum è pectore ad caput fluxus reciprocos pervertere valent (3).

(1) Ob eandem epigastrii constrictionem pharynx & fauces , qui textu cellulari debili involvuntur , maxime sunt infarctibus obnoxii in melancholicis unde illi multam expiunt salivam.

(2) Voyez les Mém. de l'Acad. des Scienc. 1765. Mém. de M. Petit.

(3) Sic etiam ex observatione *Cothunii* in tabe aut Senectute dum marcescit cerebrum , sic que spatium cranium inter & duram matrem exin amplius a latice aqueo morbofo occupatum encephalon comprimit , possunt dari apoplexiæ. De ischiad. nervea.

Regiones etiam & cœlum ut in plantas, sic in animalia maximum habere influxum nullus Medicorum ibit inficias, ita ut individua licet in essentiâ eadem, quibusdam tamen ad tales aut tales morbos dispositionibus, uti & moribus, tanquam sigillo peculiari notentur, plagæ aut soli naturæ analogis. Pro exemplo sint quæ leguntur apud *Car. Pisonem* (1) solum lotharingicum esse feracissimum apoplexiarum fontem. Huc pertinent causæ quælibet ex aëris aut tempestatis intemperie deducendæ quæ textum mucosum habitus corporis relaxant, vel constringunt, tonum quorundam viscerum labefactant, unde tonus cerebri adaugetur, sic vel humorum stases cient, vel motus varios evertunt in corpore. Talia sunt australis (2) frigida calidaque tempestas quæ non secus ac liquor adiposus in textu cellulari cutis luxurians apud polysarcos, hunc textum relaxant, vel rarefiunt cellulas, constrictiones exinde varios que tumultus pariunt in epigastrio, rupto organum externum inter & epigastrium antagonismo.

Accedunt tandem causæ aliæ morbi attoniti quas mechanicas externas recte nominares, quales sunt v. g. casus ab alto, ictus à scipione, compressio colli à focalibus, acria, calida, capiti applicata, insolatio &c. quibus vel adaugetur capitis actio, commovetur cerebrum, vel ejus organisatio pervertitur.

VI.

His circa varias apoplexiæ causas disquisitis, facile eruitur 1°. Nullam dari apoplexiam, realem, i. e. ad Medicum pertinentem absque prægressâ in cerebro vel in medullâ oblongatâ morbosâ diathesi tum nativâ, tum accidentali. 2°. Quemcumque morbi attoniti insultum reapse pendere à capitis actione vividissima (3), vel cerebri commotione, præeunte quandoque affectu spasmodico regionis epigastricæ. Hanc autem encephali intemperiem nec-non intensam actionem in morbi attoniti apparatu penitus comprobata habemus, scilicet in

(1) De morbis à serosa colluvie pag. 100.

(2) Sic *Hollerius* permultos recensuit apoplecticos in frigida & australi aëris constitutione. Sic etiam *Forestus* ait, suis Batavis regionibus frigidis & humidis non raram esse apoplexiam, frequentem quoque in locis frigidis ob situm terræ ut Florentiæ, Bononiæ, Lucæ &c. vel ob regionis naturam ut Germanis & Britannis. observ. med. lib. 10 observ. 70. Sic etiam *Lancisi*, & *Piquer* frequentissimas observaverunt apoplexias circâ solsticia, & æquinoxia; eandem observationem fecit meritissimus *Fouquet*, *Recherches sur les qualités de l'air de Montp.*

(3) Ex hac cerebri vivida actione, juvenes in pubertatis tempore quandoque syderatione lethali percutiuntur ut pluries observavit illust. *Fouquet*, *Traité de la petite vérole* tre. partie.

quibusdā morbi prodromis (1), quales sunt ; aurium susurrus, vertigo, vultus rubicundus, vasorum colli inflatio, pupillæ in quibusdā arctatio ac pene totus oculus veluti spasmodico affectu tentatus, aut nitore quadam spectabili in cornea; facies etiam quasi fatua, ptialisimus, balbuties, spasmus cynicus, partium extremarum refrigeratio, tremores, crampi, stupores, cephalalgia constans, memoria vacillans scintillæ litteratorum oculis fulgentes (2), quæ omnia sat luculenter hanc capitis actionem perhibent qua sanguis & humores una cum nervis viribus rapiuntur ad encephalon, quæ omnia præconceptâ tamen opinione à posteriori ab humorum congestionibus, eorum copia, pravaque indole deducuntur.

Ast vero cum omnia hæcenus prolata ad actionem intensam cerebri vel ad ejus commotionem reducantur in vera apoplexia, cum itidem hujusce insultus prægressa diathesi declaretur, nec-non phænomenis quibusdā plus minusve remittentibus, imo quandoque periodice recrudescentibus præludat, qui ad usque insultus invasionem fiunt vel intensiores, vel frequentiores, inferri hoc posse videtur, morbum attonitum, nerveum, chronicum esse ut contendit celeb. *De Bordeu* insultumque apoplecticum naturæ conatum criticum mentiri vel nihil aliud esse quam crisis speciem. Ita profecto se res habet, illudque mehercule evincitur natura vel genio morbi, hujus exitu ordinario, id est paralyfi (3) in nervos incurrente, quandoque juxta latus cerebri affectum, plerumque etiam in sensu contratio ut observavit *Hippocrates*, quod phænomenon primus explanavit egregius *Poupartius in Act. Acad. Reg. sci. Par.* habita fibrarum nervearum decussatione ab *Aræteo* jam prætervisa, quæ generalis tamen non demonstratur. Hoc autem magis

(1) Mirum sanè, inquit *Aræteus* quæ urgente apoplexiâ quandoque meditentur ægri, quæ videant, quæ proferant; sensus omnis purus, & integer subtile ingenium, mens vaticinando idonea; primum quidem ægri de vita seipso migraturos præsentiant, deinde futura præsentibus denunciant, dictorum que eventus, homines in eorum admirationem concitat, exutoque sordibus animo, veracissimi vates efficiuntur. *De caus. & sig. acut. morb. lib. II caput 4.*

(2) Hoc symptoma apoplexiam quandoque antecedens observatum ab *Illust. D. Tissot de litteratorum morbis* videtur fieri non ab irritatione externa oculorum sed ab irritatione interna cerebri aut nervi optici, ut patet in usu plantarum venenatarum hioscyamæ, cicutæ, quarum effectus irradiatur à stomacho ad usque encephalon.

(3) Sic hemiplegia, paraplegia &c., quæ vni ut externa, sic interna adoriuntur organa, estimabat *Aræteus imperfectas ac dimidiatas membrorum functiones in resolutione nervorum, stomachumque & intestina, vesicam &c. Idem vitium pati. De nerv. resol. cap. 8. Idem pati œsophagum, inq. omnino etiam resolvi quis unquam dubitavit?*

comprobabitur si attendamus ad vim aut facultatem propriam cerebri, agit ut & alia viscera agunt, & in certis temporibus agit, & forsan non unica est crisis affectus cerebralis; respice ad quasdam cæcitates (1) surditates, num originem ducunt ab affectu cerebri nimis studiis accito? apud *Miltonum* sub alio æquinoctio vigeat ingenium, filebat, ut ita dicam, in alio, tandem cæcus factus est *Miltonus*; nonne evidenter patet hanc cæcitatem fuisse crisis affectus cerebralis? Observavit etiam *Clariss. D. Fouquet* juvenem abstrusis meditationibus addictum qui diu cephalalgia laboraverat, & tandem critice gibbosus evasit (2).

sed jam satis superque in apoplexiæ causis & naturâ extricandis stetimus, ut nonnulla nunc statuamus de universali hujusce morbi prognosi.

VII.

Omnem apoplexiæ speciem esse valde periculosam, nos docet illud pervulgatissimum *Hipocratis* effatum, *apoplexiam fortem solvere impossibile, debilem autem non facile*; major tamen vel minor sanationis spes deducitur ex ætate, temperie ægri, vehementia symptomatum, causis prægressis; si juvenes forti constitutione præditos aggrediatur morbus attonitus, si sensibus, motibusque abolitis remaneat tamen pulsus in statu fere naturali & respiratio sit satis libera, minus infausa erit prognosis; res autem periculosa est aleæ si ætate proveciores, aut senes debili temperamento donati apoplecticum patientur insultum, cum pulsu duro, spuma circa os fluente, sudore tenui, frigida, guttatim hærente, si etiam vehementibus stimulis excitati difficile expergiscantur. Lotii, stercoreumque spontanea dejectio, impedita deglutitio, ingruens febris lentæ indolis in fine insultus, respiratio stertorosa, pulsus ex lento celerior factus, mortem imminentem indicant.

Spontaneo naturæ motu quandoque apoplexiam solvi, superveniente alvi fluxu copioso, urina crassa, sudore multo, æquabili, calido, cum symptomatum levamine, hemorragiâ magnâ, diu fluente,

(1) In miscellaneis curios. natur. permulta leguntur exempla epileptiarum cæcitate solutarum: vide tom. VI.

(2) Quantum in his præstare valeat oblongata spinalis que medulla sat evidens est, nulli quidem non notum est ingenii aciem vigere, id est, encephalon exquisita vi pollere, apud rachiticos, rachialgicos &c. Caudâ resectâ in fellibus colores oculi variegantur, hebescit vel deperditur omnino visus. Catulos fellum epilepticos vel stupore sub hac sectione perculsos corruisse quandoque observavit. *Céleb. de Bordeu*. Ita ut veluti prolongatio cerebri haberi queat medulla spinalis.

præcipue hemorrhoidibus (1) & fluxu menstruo, si ab eorum suppressione oriatur, quotidiana nos docet experientia. Solvitur etiam quando febris (2) valida, acuta in principio insultus exurgit, quia tunc naturæ vires non sunt adhuc resolutæ, ut notavit Hippocrates dicens si quis ex remulencia voce deficiat, siquidem jam confestim eum febris corripit, convalescit, nisi vero corripuerit, intra triduum moritur; & alio loco subiungit, rursus autem in his ipsis si febris accedat, solutio fit.

Naturæ vel artis viribus superatâ apoplexiâ, raro ab ea emergunt ægri, quin paralyfis (3) alterutrum latus aut quoddam membrum resolvat, quæ plerumque idoneis remediis perfecte curatur, quandoque tamen iudicii, memoriæ, motuum aut sensuum læsiones relinquit.

Hiscæ generalibus de morbi attoniti prognosi nonnulla specialia addere juvat. Quo enim magis materiales erunt causæ, eo periculosior censebitur. Si v. g. sero aut sanguini intra cranium effuso post vehementem capitis commotionem natales suas debeat, brevi ægrum in orci faucibus trahit, sanationis spes econtrâ magis elucescit, si vel ab ingluvie, variisque stomachi affectibus, aut à quadam dispositione inhærescente &c. ortum ducat apoplexia.

VIII.

Exaratâ apoplexiæ historiâ ejusque causis sedulo perpenfis, nunc superest ut ad curationem deveniamus quæ varia pro variis causis debet institui, & 1°. Ut ab idiopathicæ therapeya exordiamur, in ea quæ à nimio sanguinis cæterorumque humorum ad cerebrum raptu gignitur, citâ celebretur venæ sectio in brachio & collo, si una tantum morbum solvere queat, in pedibus autem primum si vires, ætas, aut temperies ægri pluries sanguinem detrahère sinant. Haud etiam exiguam hujus generis opem afferret arteriotomia si adhiberetur à medicis longâ experientiâ edoctis, sed hodie jam evuluit, & mos invaluit ad alia confugere auxilia, ut venarum occipitalium aut jugularium sectionem à Morgagnio aliisque commendatam. Temporibus admotæ hirudines, nec-non cucurbitulæ scarificatæ occipiti applicatæ ad eundem scopum maxime conferunt, quatenus proxime ab interioribus encephali lateribus sanguinem ad exteriora revellunt, sine ullo virium detrimento.

(1) Hoc notavit Hippocrates dicens, apoplexiæ si hemorrhoides superveniant, utile, frigiditates vero & torpores malum. Coac. prænoi. n°. 478. Charter tom. VIII. pag. 880.

(2) Sub alio respectu utilis est febris cum nempe spasinum solvat, in hoc affectu quandoque inere spasmodico.

(3) Adiunt tamen paralyfes aliquando sine cerebri aut nervorum originis apparenti læsione, ut observavit Cl. Fouquet, in homine cujus brachius resolutus erat, qui tamen perfecte sui mentis erat compos, imo etiam majori imaginatione, memoriâ &c. quam antea pollebat.

Verum quibus limitibus cohiberi debeat, precise determinare nimis arduum foret, dum major aut minor esse debeat pro vario pulsus viriumque statu, varia aëris constitutione, vario morbi stadio &c.

Præmissa sanguinis evacuatione leniter sudducenda est alvus purgante antiphlogistico, aliquoties repetito, ut salutaris excitetur diarrhæa, cujus actio si nimium lenta sit, determinabitur clismatibus ex nitro sale gemmæ, oximelle &c. Potu utatur æger tenui, refrigerante, nitroso &c. Vitanda sunt ea omnia quæ humores versus caput impetuosius dirigunt, qualia sunt, calor externus, decubitus in lecto declivis & supinus, medicamenta acria capiti imposita ut aquæ spirituosæ, errhina &c. Veficantia etiam cum humores ad cervicem potenter attrahant, cerebrumque virtute quadam peculiari lædant, ex Baglivio nullatenus in hac specie conducunt, quibus fausto cum exitu substituantur balnea pedum, molles frictiones, cucurbitulæ &c. Funiculum in hac specie ubi adest serosa colluvies, magnopere valet tanquam remedium prophylacticum.

An emetica in hac morbi attoniti specie conveniant multum controversatur apud auctores, eorum exhibitioni suffragantur Sennert, Hofman &c. dum incerta vocantur auxilia à DD. Boerrhaave, De Haen quorum in hisce opinio nobis videtur rationi & experientiæ consentanea.

Nunc de curatione apoplexiæ à vitio cerebri sympathico oriundæ, cujus causæ frequentiores esse solent nimia ciborum aut potûs copia, sordes in primis viis nidulantes, venena &c. Lethiferam esse sanguinis missionem, si morbus attonitus ortum mutuatur ab ingluvie, neminem practicum fugit, ni adsit tamen plethora, aliæque morbi circumstantiæ hanc primum expostulantes. Multo efficacius ab emetico auspiciatur medela, hoc enim auxilio evacuantur assumpta venena vel sabutra ventriculum gravans; quin etiam singula corporis organa rudius concutiuntur, torpidaque excitatur sensibilitas. Emeticorum nil proficientium loco dantur purgantia drastica ex colocinthide, euphorbio &c. enemata acria ex vino emetico turbido, nicotianæ decocto &c. Nec etiam exiguum merentur laudem cephalica, cardiaca, diaphoretica, aliæque innumera in affectibus soporosis jactata. Merito etiam deprædicantur sternutatoria ut iris Florentina, semina sinapis staphisagriæ, helleborus albus &c. Proficue demum usurpari queunt stimulantia externa, salia volatilia naribus insufflata, frictus, sinapismi, cucurbitulæ, veficantia, cauterium actuale, primam inter & secundam colli vertebra applicatum &c.

Apoplexiæ ab opio vel narcoticis ortæ (1) acida vegetalia, oleum, emeticum que multoties repetitum egregie medentur.

(1) Hujusce modi apoplecticum oleo & aceto sanavit Illust. Barthez. Ab insultu apoplectico ex fumo carbonum orto, hominem liberavit D. Petit, aceto intus & extus adhibito.

Ea autem apoplexiæ species quam vocavimus cum D. de Bordeu *ner-
vosam* (1), vividissimâ cerebri nervorum que actione, ob vali-
dam mentis contentionem, vehementia animi pathemata &c. originem
repetens, aulicos, litteratos (2) que ut plurimum in vadere solita,
aliis eget auxiliis, ut suis in causis debellari possit; quorum præstan-
tissima depromuntur ex cephalicis, nervinis, ut radix valerianæ,
castoreum ambra grisea, cætera que idgenus, ab auctoribus com-
mendata. Valde etiam profunt semicupia, frictus in artubus inferio-
ribus &c. hisce præfidiis vel naturæ viribus fugato paroxismo, nil
non movendum ut avertatur recidiva quæ in hac specie frequentior
esse solet; quapropter hæc ægris alta mente inculcanda sunt ut cau-
tissime caveant ab omnibus quæ humores ad caput attrahunt, ner-
vosque afficiunt, ut mentis contentio, vehementes curæ, irritantia,
narcotica &c. utantur victu tenui, paulo roborante, potu temperato,
somno breviori &c. His etiam commendantur exercitatio frequens,
præsertim equitatio, frictus cum pannis fumo plantarum aromati-
carum imbutis, balnea frigida, tónica, cum nervinis maritata &c.
forsan etiam musices vim quandam in hisce affectibus haberet.

Quod tandem attinet apoplexiam à causis mechanicis tum externis,
tum internis, ut concreciones, ossificationes &c. Hæc non ad Me-
dicum pertinet; nullamque fere expostulat medelam, cum citius
ocys ve homines hac correpti è vivorum numero deleantur.

(1) Huic apoplexiæ speciei sublatae icteritiam succedere quandoque obser-
vavit celeb. hujus Ludovicæi Cancellarius, D. Barthez. De funct. nat. hum.
pag. 12.

(2) Voyez Tissot maladies des Gens de Lettres pag. 38, 39, 40.



DISPUTATORI.

R. R. D. D. PROFESSORES REGII.

- R. D. JOANNES-FRANCISCUS IMBERT, *Cancellarius & Judex.*
- R. D. PAULUS-JOSEPHUS BARTHEZ, *Cancellarius & Judex Adjunctus.*
- R. D. FRANCISCUS DE LAMURE, *Decanus.*
- R. D. GABRIEL-FRANCISCUS VENEL.
- R. D. CAROLUS LE ROY.
- R. D. GASPAR-JOANNES RENÉ.
- R. D. ANTONIUS GOUAN.
- R. D. FRANCISCUS BROUSSONET.

R. D. HENRICUS HAGUENOT, *Decanus, Professor Emeritus.*